

影印
文淵閣

四庫全書

影印

文淵閣四庫全書

第一三二七冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

松桂堂全集

延南

露淮

詞集

清 彭孫適撰……………一

曝書亭集(一)

清 朱彝尊撰……………三八九

欽定四庫全書

集部

松桂堂全集

目錄
卷一

松桂堂全集原序

康熙己未

詔舉博學鴻詞是時

國家治化翔洽文教覃敷海宇人文彬彬日盛老宿名

士雲集

輦轂月給司農錢以膳凡試入高等者授為翰林及期

御試體仁閣下西清給札光祿傳餐

恩遇隆渥實唐宋制科所未有也於是海鹽羨門彭先

欽定四庫全書

松桂堂全集
原序

生褒然首舉

命下之日自王公九列及庠序諸生思先睹試帖以為

快流播鈔謄長安為之紙貴

聖祖仁皇帝孝養

重聞豫順之氣洋溢海內兵革既休獄訟衰息

勅詞臣釐定樂章象功昭德先生夙有撰著繕錄進

呈屢邀

獎賞嗣是春注日隆洊歷少宰又數年移疾歸里時陳

詳校官庶吉士臣汪彥博

助教臣常循覆勘

總校官知縣臣楊懋珩

校對官助教臣李學錦

謄錄監生臣鍾忠

羣方髻配祖解四聲隨先王父詣先生因得親先生議
論風旨請學為詩則曰讀萬卷書行萬里路下筆便有
奇氣蓋先生自道閱歷也與先生同舉諸公其年陳君
有檢討集次耕潘君有遂初堂集大可毛君有西河全
集鈍翁汪君有堯峯集悔菴尤君有西堂全集竹垞先
生有曝書亭集他如施愚山龐雪崖王華亭湯睢州諸
君子以專集行世者無慮數十家亦既馳天下幾幾
乎人懷盈尺矣獨先生手訂松桂堂全集授令子承祚
欽定四庫全書
松桂堂全集
原序
二

因序其集况陳羣得見先生於里第請業請益在少時
已切嚮往者乎先生學問該洽於書無不讀所著詩賦
莊雅典麗又復春容流宕而於館閣諸體尤為瓌瑋絕
特一時奉為主臬在唐則如張燕公蘓許公在宋則如
晏元獻周必大樓攻媿諸公先生沒後垂五十年而是
集始出嚮使承祚於顯猥中稍弛寶護則吉光懸黎方
湮沒於荒煙白草世又烏睹所為珍貴者耶新城王尚
書於有明諸詩人獨愛徐昌穀高蘇門二家曾為評次
欽定四庫全書
松桂堂全集
原序
三

手定而傳之後之君子讀先生之集者或亦有斯趣焉
乾隆八年五月既望同里後學錢陳羣拜撰

欽定四庫全書

集部七

松桂堂全集目錄

別集類六

國朝

卷一

賦

樂章

古今詩

卷二

古今詩

欽定四庫全書

松桂堂全集
目錄

一

卷三

古今詩

卷四

古今詩

卷五

古今詩

卷六

古今詩

卷七

古今詩

卷八

古今詩

卷九

古今詩

卷十

古今詩

欽定四庫全書

松桂堂全集
目錄

二

卷十一

古今詩

卷十二

古今詩

卷十三

古今詩

卷十四

古今詩

卷十五

古今詩

卷十六

古今詩

卷十七

古今詩

卷十八

古今詩

欽定四庫全書

松桂堂全集
目錄

三

卷十九

古今詩

卷二十

古今詩

卷二十一

古今詩

卷二十二

古今詩

卷二十三

古今詩

卷二十四

古今詩

卷二十五

古今詩

卷二十六

古今詩

欽定四庫全書

松桂堂全集
目錄

四

卷二十七

古今詩

卷二十八

古今詩

卷二十九

古今詩

卷三十

古今詩

卷三十一

古今詩

卷三十二

古今詩

卷三十三

古今詩

卷三十四

古今詩

欽定四庫全書

松桂堂全集
目錄

五

卷三十五

表

奏

頌

卷三十六

頌

卷三十七

序

卷三十八

延露詞一

卷三十九

延露詞二

卷四十

延露詞三

卷四十一

南淮集一

欽定四庫全書

松桂堂全集
目錄

六

卷四十二

南淮集二

卷四十三

南淮集三

臣等謹案松桂堂全集三十七卷延露詞三

卷南淮集三卷

國朝彭孫通撰孫通字駿孫海鹽人順治己亥

進士官內閣中書康熙己未舉博學鴻詞

召試擢第一改編修歷官吏部侍郎兼翰林學士所

著南淮集香奩唱和集金粟詞延露詞俱先

有刻本是編乃乾隆癸亥其子景曾所刊前

有錢陳羣序稱與孫適同舉者如陳維崧潘

耒毛奇齡汪琬朱彝尊尤侗龐塏王頊齡湯

斌均各有專集行世惟孫適手訂松桂堂集

閱五十年未刊至景曾始得授梓又稱其館

閣諸體尤為瓌瑋絕特蓋孫適博雅之才際

欽定四庫全書

松桂堂全集

七

國家文治鼎新和聲以鳴太平之盛要亦無愧

於詞科矣其延露詞與南淮集舊有刊本別

行此本又載之則景曾並附於後以為全集

云乾隆四十五年六月恭校上

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

松桂堂全集卷一

吏部侍郎彭孫通撰

瘡璣玉衡賦

并序

_臣聞善言天者必有驗於人善言人者必有合於

天良以景曜宣明聿著清寧之烈泰符炳煜式昭

貞觀之風乃上聖之休徵為至誠之嘉命然其理

存幽蹟數極深微自非假象以推占詎易求端於

欽定四庫全書

松桂堂全集

一

高遠儀器之陳其來舊矣蓋古之言天者類有六

家宣夜之術既失真傳周髀之書殊多舛謬姚信

昕天之說畧而未詳虞嘉安天之編疎而難核以

及穹天之論尤為荒遠之談折衷五者之中斷以

渾天為允故觀象之器至後世而彌精齊政之方

自中天而已備夫以欽明之代濬哲之朝冀英紀

辰復何勞於銀箭鳳凰司正亦無假於靈臺而賓

日東嵎餞陽西谷黃鍾應律即稽金虎之祥清徵

鳴籥還候蒼龍之宿立璿璣玉衡之製命羲和仲
叔之官豈非敬天勤民之至撫辰熙績之大者乎
我

皇上昭受在躬靈承加祐五星會於營室六術起於甲
寅猶乃儲思穆清宅心淵謚法唐堯之欽若勅虞
舜之時幾爰詔微臣作為是賦敢摭牖見以當管
窺

若夫鴻濛肇闢象緯昭垂兩儀定位七曜同規循蜚疏

欽定四庫全書

松桂堂全集
卷一

二

仡之代觀雲紀鳥之師靡不懿文洽禮班法樹司辨物
土於九域考星躔於四維然而制器尚象效崇法卑首
重天事以授民時占斗綱以辨氣渾神策以迎曦有隸
首之綜算有容成之測儀始甲子於大撓繼平秩於重
黎立璿璣以仰則發玉衡而上窺垂古今之彝憲表貞
恒之範圍於是祕器初呈疇人攸屬體本彈丸形惟轉
轂飾以文珠堯之橫玉珠四綴而長明玉在蕭而旁燭
內藏之以奧局外運之以員軸任激水之推移抱運環

之迴復澄天鏡於雲閣絡地維於鰲足寓機緘之至精
亮幽遐之可暴斂八柱於寸眸收七衡於一矚爾其積
氣高浮清陽上薦廓爾無名渾然難見不推靈曜之符
詎識乾行之健日往而月來星迴而斗建晃菱彩之朝
飛皎桂輪之夕展耿木德之東輝睨離情之南燦金水
則附日而旋填星則居中而轉道別疾徐度分近遠交
會於辰歸餘以羨或主客之異形或宿羸之殊驗并陳
寶籥之中俱入靈臺之撰乃觀懸象乃揆星精東西森

欽定四庫全書

松桂堂全集
卷一

三

列黃赤交紫晷齊景正極準端平察次舍運行之部頒
作譌成易之經按分至啟閉之節析晦明寒暑之程候
咸池之綺旭迓金樞之素靈窺隱現於列宿酌盈虛於
五行其攝乎坤軸也十有九萬三千里而廣其括乎乾
象也三百六十有五度而贏其紀乎日月也九道四遊
而其行可迹其統乎星辰也三百二十而其官可名既
宿離之不忒亦推步之有恒倬天章而文煥布軌道而
衢亨窮精研於綿邈通幽贊於神明審聖人之制作迥

度越於恒情彼夫協律紀祥司天辨叙七政有占三儀
迭舉壽昌勗智於良型平子覃精於渺緒并攄窺管之
懷寧止挈瓶之數雖貽則於來今實晞風於曩古曠百
世而同符端有候於

聖主

皇帝握璇極之天珍凝泰符之典瑞萃箕畢而類精薦
圭璋而通氣好以月從敬因日致仁育義裁禮和智睿
法令信於陰陽圖書炳於經緯五德用徵三光合契振

欽定四庫全書

松桂堂全集
卷一

四

采揚黼連珠編貝猶復旦明乾惕陟降非遙夙夜昭事
鑒觀不忒單心於宥密升貺於穹霄故乃神符翕施景
祉宣昭碩麟獲於靈囿慶雲蔭於南郊絳河明而如鏡
甘露渥而如膏吐榮光以無際叶瓊琯以長調流永年
之懿軌建奕樞之芳標啟斯儀以逸度如寶歷之承堯
末臣幸逢乎嘉運恍廁身於瞻雲就日星陳旦復之朝

白鸚鵡賦

惟

皇朝之受命拱寶錄而凝正招女牀而鸞集巢阿閣而
鳳鳴雀啣書而入戶鵠聞樂而翔庭雖異物之非寶實
嘉祥之有徵

聖心推而勿有瑞應顯而自臻矧夫殊域懷仁遐方慕
義貢賁獻琛臣人享贄九譯以通萬里自致來曠世之
靈禽登軼倫之珍毳蔚上國之羽儀煥中天之符瑞非
邀福於乾靈豈格遐於神契相彼鸚鵡產自山林往來
叢薄栖時高深賦翩翩之微體稟聰明之慧心資善警

欽定四庫全書

松桂堂全集
卷一

五

而通解性能言而審音縱不離於飛鳥固迥異於凡禽
至其含靈毓異拔萃挺奇金精叶兌火德乘離丹味煥
發絢趾紛披練裳容裔縞袂參差亭亭素質皎皎清姿
餐唯玉粒翔必琳枝朝寒芳於懸圃夕引吭於瑤池爾
其山海窮荒區禺遠絕林菁幽遐岩阿嵒嶮巧舌如簧
毳衣如雪顧影流妍徘徊自悅離塵氛而獨立天既假
其羽毛凌顥氣而孤騫人誰信其高潔乃有羅氏張襦
虞人播弋置以雕籠假之文飾憑玉柱以無塵弄銀條

而一色雖難遂其幽棲幸未虧夫昭質辭僻陋之山陬
遠翱翔於京國遂乃觀光曜儀遷喬去卑栖禁園之瓊
樹侍

君王之玉墀嘯侶則白鵬妬影命儔則皓鶴增輝瑤階
月豔珠綴霜飛素娥韜彩青女斂霏長流連於

宸盼永供奉於仙闈亮隴坻之罕邁洵羽族之殊布若

乃太液閤深上林邃宵物競呈祥天寧愛寶白麟獲於

郊園皓鹿遊於池沼不黔自黑鶴鶴者三趾而紛來莫

欽定四庫全書

松桂堂全集

六

赤匪狐濯濯者九尾而相擾皆鱗萃而星駢亦雲臻而
霧繞繫斯禽之入貢同效瑞於

聖皇詎無因而自集知有感而必彰按緯文之曩迹合
圖謀於前王隆大孝於尊養浹至仁於八荒故淳耀之
符上格於顓穹之靈貺而精瑩之氣下通於物類之微
茫於是璣明衡正乾寧坤定一畫啟羲九苞儀舜洵至
天休彌申景命非徒耳目之娛何止一人之慶詔九州
而通節遯矣越裳之輦臨七萃而觀兵陋彼穆天之駿

天駟賦

於鑠

皇家憲天作則景曜宣昭休光翔溢獲碩麟於南郊貢
白澤於西域育萬物而効靈總八埏而稟式器車在御
而結旌澤馬充庭而伏軾攬符瑞之自天下榮懷之在
國是以乾畜孕精房星降正功先於地用健叶於天行
資風雲之駕馭壯警蹕之登閤承靈貺於太乙騁王路
於由庚觀其星緯獻祥河祇耀德校人是司圉師是職

欽定四庫全書

松桂堂全集

七

冬獻夏頒執駒攻特為龍為駉齊足齊力十有二閑各
分種色或皎皎兮虹攄或爛爛兮霞綯或鐵驪兮深黝
或蒼騏兮翠蒨或一舉兮騰黃或將飛兮紫燕或蹀躞
兮籟闐闐之雲或縹緲兮曳吳門之練當夫錦障乍解
金鞭未揮鸞停層漢鵠跂仙闈翩驚鴻之始集矯靈虬
之欲飛及夫寶埒初開長楸並進五組雲影兩駉風迅
絕瓊海於須臾登玉山於俄瞬況其骨應經文形符圖
牒力既足稱德尤殊別去似遊龍迴於紫雪疾不奔蹏

緩無銜轍行有磬控之安步中錫鸞之節蓄雄姿於婉
心寓馴良於英決彼夫穆駿踰輪宛駒汗血騄牝興咏
於詩人駟牧登歌於往哲固未足以踰此威神又何容
以較其優劣爾乃霜清紫塞氣肅金天駕言出狩肆彼
師田屬車在後

鑾輿在前千羣霧列萬騎星駢於時禮用三驅材呈六
種逸足爭長奇毛矜寵珠勒無聲纖塵不動攢綺谷而
花明開幔城而霞擁披琴離之繡文列繽紛之錦幪追

欽定四庫全書

松桂堂全集
卷一

義馭於炎洲驂箕風於仙隴展

帝容則歆玉歆沙昭

王度則受球受共

宸情有懌我武維揚儀成吉日旆返長楊慮東野之盡
力念北土之留良雖吉光驤裏之名咸上登於天廡而
驪黃牝牡之品或未盡夫遐荒豈無權奇俶黨超越騰
驤駕短轅於虞阪服鹽車於太行局促絆羈之下悲鳴
棧豆之傍徒擅能於千里奚受知於九方於是廣索沙

邱旁搜幽碣命造父以程材詔涓人而市骨將見恒冀
山陞渥洼水涯蘭筋挺異驥子呈奇雲螭月駟虎氣龍
姿備六駟之翊衛竦九陸之威儀倘見賞其神駿長託
乘於軒墀

瀛臺賦

有序

瀛臺在

大內之右西苑之中巨構弘開規撫太紫嘉名肇錫

髣髴蓬瀛維

欽定四庫全書

松桂堂全集
卷一

九

世祖章皇帝闢九仞之基惜十家之產程材庀宇就下
因高木不雕鍤飾無藻績雖茅茨儉樸不資人力
之勞而山水縈環未減天工之勝萬幾清暇
翠輦時臨聽政勤民於是乎在我

皇上凝圖有永繼序無方粵歲斯丁諏辰重午泛舟仙
沼弭節靈臺拂雲罕之琴離皆成湛露振芳蕤之
的礫盡是天葩爰稽周令之文寔在南訛之月可
以升山陵遠眺望禮之宜也時為大矣夫探奇策

府非無羣玉之峰選勝唐中亦有三神之境盤遊
徒侈化理何裨豈若今茲有逾曩烈用竭管蠡之
見敬陳頌述之情是愧蕪詞無當勝槩

皇清之握象闡珍錫圖凝歷苞六合以為家總八紘而
作極貞符曜明泰階寧謐天室威神宸居淵嶷歲當疆
圉之期月中蕤賓之律乘輿夙駕瀛臺是即位臨西兌
而

聖澤彌宏義取東瀛而真人攸宅蓋自玉泉之水太液

欽定四庫全書

松桂堂全集

十

之池滙為廣澤散作文漪泓碧千頃莽蒼四垂日月吐
納軒楹蔽虧雕梁界道錦甃交波鳳標翥羽鯨石翔鱗
控玉竦以噴雨跨金鰲而簡雲霞波如綺頻吹無塵景
山之巖岫巖從瓊華之洞壑玲瓏磴道窈折澗戶幽通
屏障羅列環玦琤璫峰迎仙仗谷應曉鐘欲霽而林暉
千狀其雨則嵐霏萬重乃有丹梯盤互曲廊懸度隰衍
原平隄迴川注激水鳴春歲舟紆浦葆翠霜濃麥黃雲
聚粧臺則琳碧為缸蕉園則春浮名樹旃檀之馥迎風

迷迭之煙成霧於是林巒迤邐川陸縱橫陟樂成之舊
宇徑涵碧之虛亭纓岡帶阜繚白縈青樓觀蒼翠殿閣
崢嶸璇題壁礪繡供雕甍蒼苔迴出翼翼孤擎跂飛鳥
以斯厲佩長虹而若紫軼雲雨以下度排星河而上征
可以仰餐顥氣俯揖羣靈擢樓松之千仞抗閨風之九
成重以新萸璀璨芳幹紛蕤芝房三秀蘭畹九滋梧則
萋葦生岡竹則檀欒映池桃李則不言成蔭枯柏則後
凋挺姿般般之足翩翩之儀椒馴白澤圓擾黃支鳬雁
翱翔於脩渚孔翠翻騰於茂枝既乃品彙恬熙景物明
淑睇萬里於纖毫攬九州而盈掬紫塞斜縈紅螺森矗
聚燕風恬暎鷹霜肅隱現桑乾之河縹緲香山之麓金
臺有駿骨之羣泰時見神光之燭升高望遠四維一矚
柏梁無以繫其觀神明不能方其躅狹制度於通天之
稱埒壯麗於凌雲之築

皇帝迺駕赤駟之駱樹朱鳥之旂祝融引節清徵鳴韶
定晏陰以靜事散炎景而居高寄遠心於濠濮託逸想

欽定四庫全書

松桂堂全集

十一

於松喬於時清暉擁榭翠漲平川龍髻齊奮鳳喙爭騫
凌雕文之畫舸曳湘縠之輕煙荷碧筒以猗靡榴絳實
以鮮妍葵叢生而就日蒲九節而延年

宸遊既豫

睿藻仍宣灑翔鸞之仙翰染濯錦之瑤箋不數具茨之
駕遑羨橫汾之篇若乃菡萏紛披綺粧明靚曾

詔廷臣共承休問命桂楫以溯新波見蓀橈之擊明鏡
頌蓬池之銀鱗泛鶴觴之珠醞朱陵之李澄鮮玉井之

欽定四庫全書

松桂堂全集
卷一

十三

冰清潤甘雨滌煩涼颼解愠披九天之滅澤賡五弦之
雅韻又若麗旭始升惠風初扇時鳥嚶鳴繁英蔥蒨黛
艸並陳紺轅將勸辨雲物於嘉辰播雨膏於芳甸暮春
合射之儀元已流觴之宴殿中揚白獸之樽水面捧金
人之劍逮夫清商乍奏爽宇方澄柳寒月皎桐疎露清
挹仙莖之沆瀣聽天籟之笙簧省斂則弄田杭熟招隱
則小山桂馨豈獨階堆連璐徑糝雕英歌黃竹而恤祈
寒之困詠來思而軫遠戍之情是以抱獨一堂遊神八

荒靡遠勿屈何施不臧吹動植之機以廣仁慈之汜濫
悟流峙之理以侔道德之精剛既書同而軌一亦化美
而治光罷烽堠於寰海受其球之駿龐攄卿雲而復旦
呈含譽以垂芒遂乃彌性游翺從容詠陶學山探奧筆
海迴濤緝熙懋建俊又勤招履高思下居逸念勞岐陽
鐘鼓之盛卷阿車馬之饒登斯臺以同樂抗往哲而為
昭小臣作頌用補風謠頌曰天垂星象地敞皇州崇臺
沙立負乎建旂餐華日近吸英靈浮匪風則御亦雲與

欽定四庫全書

松桂堂全集
卷一

十三

遊同規方丈比美瀛洲六龍莅止視遠聽周

聖心孔懌庶政載修維德峻極上與天侔百常允陟景
福來酬瑞繁山委嘏集川流穆然並峙萬嶺千秋

溫泉賦

若夫乾維上運坤絡旁宣結為五嶽散作百川洛符禹
範河瑞義年靈長之美坎德斯全元氣盎溢溫泉出焉
爾其山嶺岑崟岡巒層複行脈高原發源峻谷瑤竇濺
珠瓊沙噴玉初似遊絲漸如飄縠乍滌洄於谿澗終澶

漫於陵陸既滙之而淵渟亦揚之而波屬遂噴薄於郊
垌且蔽虧於林木彼其因寒為性就下而趨凡水皆一
茲泉則殊苞五行而迴幹乘一氣而盤紆通機緘於化
軸開橐籥於靈樞含大德之溫煦納沃焦之委輸歷四
時而皆煖經三冬而不渝審陰陽之為炭知天地之為
鑪攬之融洩挹之靜深夏無毒熱冬無沍陰飛霰不積
繁霜詎侵何俟凌人之政無勞黍谷之音蟠燭龍於水
底媚陽燧於波心浸咸池之若木浴暉羽之陽禽澄之
自定清之彌淨鋪編練之纈文瑩玻璃之明鏡溯陽谷
而可通登炎洲而若近潤能及物非由挹注之勞熱不
因人詎改清冷之性况乃無終舊封北平勝槩明月之
映黃花之塞控盧龍而作咽喉翼神京而為襟帶拱北
極而非遙瞻

孝陵而斯在王氣如龍祥雲如蓋丹砂的礫而中藏醴
泉絡繹而紛會信天產之靈區呈

皇朝之上瑞至若焦溪見於酈經驪山表於唐世蜀都

之井沈蔡曲阿之潭揚沸詎有得於冲和徒相誇其神
異豈若斯泉鬱為輿府磅礴太和綢繆終古如湛露之
斯濃類薰風之自鼓凝之則如醴如膏洩之則為雲為
雨可以滌煩釋躁悅志怡神寧人便體浴德澡身蕃滋
卉物粒我生民念庶徵之時燠躋一世於陽春歲天波
而勿幕廣
聖澤於無垠近日月而不冰非如澠水現榮光而有耀
長似河津

天象賦

若夫太極既形兩儀並建天始地生乾清坤宴相彼皇
穹溥博周徧形則彈丸德惟行健理幽渺而難窺象昭
明而可見於是曠觀峻極周覽太虛紫微之內上帝攸
居環列宿之煥若握中樞而謚如擁槍倍而莖摧啟闔
闔而雲攄備鈎陳之翊衛蔭華蓋之扶疎前星者儲貳
之體後宮者正妃之餘御宮典儀於椒寢柱史執簡於
彤除文昌與上將齊列司祿與貴相同壺平獄訟於大